

Igl Segner, Jesus Cristus, turna bagnbòld anavos sen teara. Quegl e egn'ampurmess, la quala El sez â fatg, cur c'el viveva avànt 2000 ons ànc sen quest mund (Gion 14:1-3). Co savagn nus easser digl tutafatg siirs, c'el turna propi egn gi? Liged las profezeias, las qualas igl Segner, Jesus Cristus, sez â fatg, partutgànt la fegn da quest mund. Egnà seriusa lectura da quellas scartiras, cumparagliànd cugls evenimaints ca gartegian gea ozigligi sen quest mund, cumprovan, c'igl Segner, Jesus Cristus, vean a turnar sen questa teara, ànc durànt nossa veta.

1 DESTRUCZIÙN DIGL TAIMPEL
A cur ca Jesus â banduno igl taimpel â egn digls seas apostels savieult viers El ad â musso segls bietgs, ca s'udevan tigl taimpel ad â getg: Mussader, varda, tge beala crapa c'ambalescha igls bietgs qua. A Jesus â do par raspоста: Jou gitg a vus, c'igl vean a vagnir igl gi, ca betga egn da quels craps vean a rastar sen l'oter, tut vean a vagnir destruieu cumpletameing (Matieu 24:1-2; Marcus 13: 1-2; Lucas 2: 5-6). **A quegl â propi sacumplanieu 70 ons s. Cr.**

2 ANZENAS DIGL SIEUS RETURN
A cur c'El saseva segl Cualm d'Olivas, visavi igl taimpel, en igls giuvnals Peider, Giacen, Gion ad Andreas vagnieus tier Jesus ad ân amparo: Mussader, gi a nus, cura vignan quels evenimaints ad ir an vigur? A tge vean ad easser l'anzena digl tieus return a da la fegn digl mund? (Matieu 24:3, Marcus 13:3-4; Lucas 21:7)

3 SURMANADERS VIGNAN A VAGNIR
Jesus â raspundieu ad â getg ad els: Segias atents ca nign surmagni vus. Blears vignan a vagnir an Mieus num a gir: Jou sund igl Cristus. A blears vignan a vagnir a surmanar. Or da que motiv betga savundad els (Matieu 24:4-5; Marcus 13: 5-6; Lucas 21:8).

4 GUEARAS A TÙNS DA GUEARA
A scha vus udez da guearas a da prievels da

gueara; betga sasched sastarmantar, quegl tut sto gartagear ascheial! Quegl e dantànt ànc betga la fegn (Matieu 24:6; Marcus 13:7; Lucas 21:9).

5 GUEARAS TRÀNTER PIEVELS TEARATRIEMBELS | FOMAZS | MALZOGNAS
Ad El â getg ad els: Egn pievel vean a sarualtar ancùnter egn oter pievel ad egn reginavel vean a sasulzar ancùnter egn oter reginavel. Igl vean a dar grànds tearatriembels, fomazs a malzognas; ad igl vean a dar fenomens da sgarschur a gràndas anzenas giou digl tschiel (Matieu 24:7; Marcus 13:8; Lucas 21:10-11).

6 Quegl e dantànt me l'antscheata da las deglias (Matias 24:8; Marcus 13:8).

7 PERSECUZIÙN DIGLS CRISTIANS
Mo faged adatg ! Avànt ca quels evenimaints vignan ad ir an vigur, vagnez vus arestos a surdos a las dartgiras, vus vagnez bastunos an las sinagogas a mess an parschùn a mulastos a mazos a vus vagnez manos, parve da Me, avànt retgs a guvernatur. A quegl vean ad easser egnà caschùn da dar pardetga da Me (Matieu 24:9; Marcus 13:9; Lucas 21:12-13).

8 A scha vus vagnez arestos a manos avànt tribunals, faged betga qitos gea oravànt tge gir near tge raspunder. Ged quegl ca va a vus tra'gl tgieu an que mumaint. Partge ca betga vus bagliafaz, mobagn igl Sontg Spért. Jou vi dar a vus la sabientscha. Tut igls voss adversaris vignan betg ad easser capavels da cuntergir near far oposiziùn (Marcus 13:11; Lucas 21:14-15).

9 TRADIMAIN AN L'ATGNA FAMIGLIA
Ad alura vignan blears a vagnir tradieus, persequitos a mazos. Egn frar vean a surdar igl agen frar a la mort; egn bab igl sieus unfànt, amitgs a paraints; ad unfànts vignan a revoltar ancùnter lur geniturs a procurar c'els vignian castiieus cun la mort. A vus vagnez hassagieus da tuts parve da mieus num. Mo betg egn

tgavel digl voss tgieu de ir a pearder. Vegias pazientzga a segias statevels a vus vagnez a gudagnear la veta par vus (Matieu 24:9-19; Marcus 13:12-13; Lucas 21:16-19).

10 LA CAREZIA VEAN A SASEFARDANTAR
Dantànt ca la schleatadad da blears vean a prender surmàn, vean la carezia a sasfardantar agl intern. Tgi ca vean dantànt a taner la dira tocen a la fegn, vean spindro (Matieu 24:12-13).

11 A que evangeli digl reginavel da Dieu sto gl'amprem vagnir pardagieu segl antier mund sco pardetga a tut igls pievels, **alura** vean la fegn ad easser qua (Matieu 24:14; Marcus 13:10).

12 SGARSCHUR DA DEVASTAZIÙN
Mo scha vus vessas da vaser sco Jerusalem e zircumdo d'egn'armada, alura savez easser siirs ca la *devastaziùn digl martgieu* e qua (Lucas 21:20). Parquegl, scha vus vavez la sgarschur da devastaziùn anunztgeada digl profet Daniel, a star agl sontg liac (tgi ca ligia quegl, de saver capir la muntada), alura sched fugir an las muntognas quels ca vivan an Giudea. A tgi c'e agl martgieu de bandunar quel, a tgi c'e sen la teara, de betg ancurir schurmetg agl martgieu . A quel c'e segl tetg, de betga deszender a vagnir an tgea par ancurir anzatge c'e betga là. A quel c'e segl fùns, de betga turnar a tgea par prender la sia vastgadira (Matieu 24:15-18 ; Marcus 13:14-16; Lucas 17:31; 21:21). Povras las dunas c'en an sprànza near c'ân da tazar unfànts. Urad ca vus stotgas betga fugir durànt igl unviern near igl gi digl sabat (Matieu 24:19-20; Marcus 13:17-18 Lucas 21:23). Els vignan mazos tras la spada near manos davent sco parschuniers an otras tearas. A Jerusalem vean splatitschieu tras pievels easters tocen lur tains e ieu a fegn (Lucas 21:24).

13 SGARSCHUR DURÀNT IGL TAINS DA JACOB (Jer 30:6-7)
Quels gis vean a reger egnà tala misergia a tristezia sco'gl â ànc mai do davent da l'antscheata digl mund antocen oz a sco'gl vean mai ple a dar. A scha Dieu vess betga scurzanieu que tains, vess nign carstgàn survivieu. Mo par l'amur digls carstgàns, eligieus tras el, â el dezidieu da far fito cun quels gis (Matieu 24:21-22; Marcus 13:19-20; Lucas 21:23). Mo quegl e alura igl mumaint da vandetga; alura vean tut quegl ca stat scret ad ir an vigur (Lucas 21:22).

14 FÒLZS CRISTUS A PROFETS
Sch'anzatgi gi a tgei: *Varda, qua e Cristus, varda El e qua!* Betga cre! Partge fòlzs Cristus a fòlzs profets vignan a sasulzar a demonstrar lur pussànza a far miraclas ad ascheia ampruvar da schizund surmanar igls eligieus. Dantànt faged adatg: Jou ve profetiso quels evenimaints (Matieu 24:23-24; Marcus 3:21-23). Parquegl, sch'els gin a vus: *Vurdad, El e agl desiert!*, betga nad an que liac, near: *Vurdad, El e an tgea!* Betga carted quegl. Sco igl tgametg sclarescha igl tschiel davent digl ost agl vest, ascheia vean igl ad easser, cur c'igl Fegl digl Carstgàn vean a turnar (Matieu 24:26-27; Lucas 17:23-24).

15 ANZENAS AGL FIRMAMAIN
Imediat suainter que tains da sgarschur vean igl sulegl a sastgiranar, la gliegna vean betga ple a glischar a las stelas vignan a curdar giou digl tschiel. A las pussànzas zelestialas vignan ad easser ord controla (Matieu 24:29; Marcus 13:24-25; Lucas 21:25). A sen la teara vean a reger povradad a perplexadad, la mar a las undas vignan a sburflar, igls cors digls carstgàns vignan prest a murir da la dalur, caschunada digls evenimaints, cun igls quals els vignan a vagnir confruntos (Lucas 21:25-26).



16 Alura cumpara **L'ANZENA DIGL FEGL DIGL CARSTGAN** agl firmamaint ad an que mumaint vean l'antiera carstganadad a salamantar ad a reclamar ; ella vean a vaser igl Fegl digl Carstgàn ca deszenda segls nivels digl tschiel, cun grànda pussànza a splendur. Ad El vean a tarmeter igls Seas ànghels cugl resùn da las posaunas ad els vignan a rimnar igls eligieus ca vivan an tut las direcziùns, d'egna fegn digl tschiel tocen tier l'otra (Matieu 24:30-31; Marcus 13:26-27; Lucas 21:27).

17 An que mumaint, cur ca quels evenimaints suczedan, vurdad ansei, ulzad igls voss tgieus, partge igl voss spindramaint savaschegna (Lucas 21:28).

18 Ad El â getg: Ampranded da la sameglia digl figher a da tut las plàntas! Cur ca las frastgas en savurusas a la figlia tgatscha, alura vazez a savez ca la stad s'avaschegna. Mademameing savez vus, cur ca tut quegl suczedà, c'igl reginavel da Dieu e damanevel (Matieu 24:32-33; Marcus 13:28-29; Lucas 21:29-31). Dantànt, nign ca sa, cur ca que gi near quell'ura vean ad easser qua, gnànc igls ànghels segl tschiel ad igl Fegl da Dieu; suletameing igl Bab an tschiel sa egl (Matieu 24:36; Marcus 13:32).

19 Mo sco quegl c'igl e sto durànt igls **GIS DA NOA**, ascheia vean ad easser la vagnida digl Fegl digl Carstgàn. Partge sco durànt igls gis avànt igl diluvi, maglieavan a havevan els, maridavan a vagnevan maridos tocen que gi, cur ca Noa e ieu an l'arca a nign â realiso anzatge, tocen c'igl diluvi eara qua ad â mazo tuts. Ascheia vean igl ad easser, cur c'igl Fegl digl Carstgàn vean a samussar (Matieu 24:37-39; Lucas 17:26-27).

20 Ascheia e'gl ear sto digl **TAINS DA LOT**: Els maglieavan, els havevan, els

cumpravan, els vandeavan, els plantavan ad els bargevan. Que gi dantànt, c'igl Lot â banduno Sodom, â'gl pluvieu fiac a zulper digl tschiel a mazo tuts. Igl madem vean a gartagear, cur c'igl Fegl digl Carstgàn cumpara (Lucas 17:28-30).

21 Saragurdad da la duna da Lot. Tgi c'amprova da spindrar la sia veta, vean a pearder ella, a tgi ca pearda la sia veta, vean a salvar ella (Lucas 17:32-33).

22 Jou gitg a vus, *an quella notg* vignan dus carstgàns a scher an egn litg; egn vean prieu sei, l'oter vean scho anavos. Dues dunas vignan a mular anzemen; egn vean prida sei, l'otra betg. Dus umens vignan ad easser segl fùns; egn vean aczepto, l'oter betg (Matieu 24:40-41; Lucas 17:34-36). Ad els ân raspundieu a getg ad El: "Noua, Segner?" Ad El â getg ad els: "Noua c'igl cadaver satgata, là saremnan igls tschissùns (Matieu 24:28; Lucas 17:37).

23 **SEGIAS ATENTS AD URAD**
Igl e sco egn um ca nass an egn teara eastrà; avànt ca bandunar la si'atgna tgea â el surdo la raspunsablidad agls seas surviaints ad â do a mintgegn la sia lavur. Agl portaner â el cumando dad easser atent. Parquegl segias alearts, partge nign sa, cur c'igl Segner – igl patrùn-tgea – turna; la sera, da measanotg, cur c'igl cot tgànta near la damàn; senaquegl c'el tgati vus betg an sien, sch'el vean anetg a nunprevieu (Marcus 13:34-36).

24 Mo segias siirs: sch'igl patrùn-tgea vess savieu oravànt, cur c'igl lader vean, vess el fatg adatg a vess betga lubieu ad el da rumper aint. Parquegl sapreparad, partge igl Segner vean cur ca vus spitgeaz betg el (Matieu 24:43-44).

25 Mo faged adatg da vus, betga c'igl voss cor vigni gravagieu dad egn veta extravaganta cun surbever a surmagliear a duvrad betga la voss'energeia pigls quitos da la vossa veta da mintgagi, ascheia ca *que gi* vuss tscheft betga nunspitgeadameing. Segias atents ad urad sainza calar partge vus savez betga cur ca l'ura e qua. Otrameing, scha vus eassas betga preparos, vean igl ad easser sco egn latsch par tut quels ca vivan sen teara (Marcus 13:33; Lucas 21:23-25).

26 A quegl ca Jou gitg a vus, gitg Jou a tuts: Segias atents ad urad sainza calar, pa ca vus vignias stimos degns a setgias mitschear da tut quella misergia a dastgias cumparer avànt igl Fegl da Dieu (Lucas 21:36).

27 Piglver, jou gitg a vus: *Questa generaziun* vean betg a svanir tocen ca quels evenimaints sacumplaneschan. Tschiel a teara vignan a svanir, igls Meas plets dantànt vignan a rastar (Matieu 24:34-35; Marcus 13:30-31; Lucas 21:32-33).


Sasànd segl Sieus trùn gloriùs, igl
Grànd Retg - igl Segner Jesus
Cristus turna gea fetg prest puspe,
cun grànda pussànza a gloria,
cumpagnieu digls Seas ànghels
sontgs a digls Seas sontgs.

Tamed Dieu a ded anur ad El,
partge l'ura digl Sieus
truaimaint e vagnida; adurad El
c'â fatg igl tschiel a la teara, la
mar a las funtanas
(Palantada 14:7)

Igl Tains spetga
betga ple!

Igl Reginavel digl Tschiel e ussa
damanevel. Faged panatienza a
carted a que evangeli.

Segias prùnts da scuntrar igl
Segner, tieus Dieu!



RUMANTSCH SUTSILVAN | SWISS

Watch online through www.angeltv.org

Vurdad ANGEL TV
Satellite :Eurobird 9A @9°
Band :Ku
Downlink Frequency :11.919GHz
SymbolRate :27500Msps
FEC :3/4
Modulation :MPEG2
Polarization :Vertical

Local Contact Address